


沈乃文 主編

明別集叢刊 第五輯

第四十冊

黃山書社







國家出版基金項目  
NATIONAL PUBLICATION FOUNDATION


「十二五」國家重點圖書出版規劃項目  
2011—2020年國家古籍整理出版規劃重點項目

沈乃文 主編

明別集叢刊 第五輯

第四十冊

黃山書社



(明)李國檣 撰

李文敏公遺集定本二卷附錄一卷

清康熙七年李蔚刻本







遺集輯訂述畧

嗚呼詩有之鮮民之生不如死之久矣

烏知此語之悲耶慨自上天降戾生民疾威兵燹滄桑崑炎海沸經百折而延一息以有今日也豈繫余小子之能徼私造化母亦惟是先人積系用能芘其後而陰相之蒙緒澤者胥所自焉則誠匪人矣仰惟先府君太保文敏公亢譽士林挺節揆席豐功大業見于誌乘詳矣至平生所深嗜而樂之者惟文章一事自登朝以迄解組著述不下數十萬言乃今三十

遺集定本

述畧

年來

人見背七齡

非人故業中落未幾

數口之所以蔽風雨者一炬

之而先八所蓄蕩然

矣其明年小子年十五稍解人事思欲讀書始撫輯

殘蠹於寒灰敗楮中先公集尚得十之二雪涕珍收

隨避亂來京師孤生釋子加以貧乏不能表見於世

顧衷恒怵怵慙而不釋未幾而甲申大盜發難國步

驟更小子適以試事先走易水雖身免于禍而家累

又蕩然矣嗚呼遭此二大厄海內鼎貴之家能完其

世業者與有幾而况孱愚不能自立如小子者耶自是而倖竊一官又復十載每念負荷刺背攪心求之朝賢求之嫺黨求之零編賸簡求之經過臨眺之地求之慶弔贈遺之蹟僂僂磬欬尚留千伯之什一於人間斯集是也凡得詩九十六篇文十四篇附以先祖贈少師公暨先太保誌二首甲午之春謹錄而藏之尚擬廣蒐博訪卒成大觀迄今又五載歷時滋久文獻漸湮網購力窮難復得雖多繕副本終以再

遺集定本

述畧

二

軼爲懼用是敬壽之梓珍弄家塾以示後人嗚呼區區詞章之末無足爲先太保重輕且吉光片羽亦不敢爲先人身後名計唯是手口澤存不敢褻不敢遺少道人子之責而已尤可惜者先太保立朝大節戡定危疑指陳利病受宗社而福蒼生論列錚錚皆見之奏疏中卽故府典冊亦燬于兵火今竟不可得矣終天之痛其何時已哉

順治己亥秋七月男爵敬述

遺集初鐫時唯憑一館課殘本故文字多闕軼而



贈荅之什或他人作以偶經筆錄亦遂闌入一二  
首十年以來殘者未能補謬者無以正也丁未二  
月同里張茂才亦純名世修者以先公館閣試草  
一帙見示則詩文諸篇粲然完備且有前刻中所  
無者亦純云傳之自其先人珍藏數十年雖避亂  
四方未嘗整捨噫可謂有心人矣捧玩之餘不勝  
銜感因合校前刻重付梓人補闕訂謬遂成完璧  
計文二十二篇詩一百一十四篇附錄墓銘碑表  
祠記五篇羣爲上下二卷題曰遺集定本所以別  
遺集定本  
述畧  
三  
於前刻也剗刪告成邇其始末並識歲月如此  
康熙戊申季夏旣望男爵再述

李文敏公遺集定本目錄

卷之上

修實政以濟時艱疏

擬進文華寶鑑表

聖人與天地合其德論

大人正己而物正論

反絕交論

公論國之元氣論

擬合刻文心雕龍詩品序

遺集定本

目錄

一

原文

立身以名節忠義爲本說

心性才情說

文章根本六經解

守道守官辨

春和燭租頌

恭默室箴

有序

七廣

瀛洲賦

河圖獻瑞賦

贈關龍章司理奏績序

贈霍明府報最序

青屏偶句正音小引

蠡縣潘令公德政碑記

故徵仕郎中書舍人岱麓李公墓誌銘

卷之下 五言古

初冬卽事

餐菊

遺集定本

目錄

二

久旱憫農

題唐十八學士圖

洛陽朱邸篇

一僧

壽陽陝道

曲阜孔公壽母詩

感鳳篇

七言古

金臺行

讀陸宣公奏議有感

賦得東風已綠瀛洲草

甘霖應禱

明河篇

雪行

山上松

湖上吟

題瀛海張封翁壽冊

題陸鍾陽錫類冊

遺集定本

目錄

三

題魏翰檢恩綸冊

題黃封翁壽冊

甲子上元單仁君獻壽歌以紀事

題翰檢唐元樸尊人壽冊

壽詩

五言律

禁林春望二首

午日憶江南競渡

玉署槐陰二首



冊封雪後次懷來

山中早行

雪霽

途遇來車

訓館兄姜仲訥賀子韻二首

游白洋

夏雨感懷四首

久雨初晴

贈栗廉吾國醫

遺集定本

目錄

四

七言律

落花

閱遼左邊圖

賦得秋聲一雁飛

瀛洲亭聽鵲

露凝仙掌

閏月中秋

慈帷壽日恭紀四首

舉爵兒李伯襄館丈見賀奉酬

道出榆次

望太原城

節將入城

失題

景僕張兄邀遊葛洪山三首

舟行

千葉蓮

舟行遇雨

故園兄弟登樓讌集

遺集定本

目錄

五

海棠盛開嗣昌張兄招飲

嗣昌張兄園飲芍藥花下

經元輔李文康公墓有感

毛孝廉修之見懷依韻賦謝二首

喜盧甸南孫茂先二文學過飲

送賈浮弋侍御

甲子上春鄭光祿母舅七十初度二首

壽單明府二首

輓趙瞻巖學博



五言排律

恭送福王之國

頒曆恭祝聖壽

賦得秋夜長

雪夜偕友飲嗣昌精舍梅花樹下

中元於嗣昌張兄池館汎舟

石炭

山屋

七言排律

祝周玉繩年丈尊人

五言絕句

聞鶯四首

賦得我愛夏日長四首

雪中雜詠四首

七言絕句

初夏暑中卽事四首

失題八首

奉和呂年丈二首

龍集定本

目錄

六

暮春四首

附錄

墓誌銘 二首

墓碑銘

墓表

祠記

龍集定本

目錄

七



李文敏公遺集定本

卷上

高陽續溪李國楷著

男爵輯訂

孫男其凝校刻

脩實政以濟時艱息煩言以定國是疏

館試

臣聞善治天下者萬務糾紛絜其領而自理衆口波馳濟其源而自清故天下之所恃爲維者政事與議論兩途而已此兩者勢相衡弊亦相因政之利弊不獨在政也而亦足以生言言之謫張不獨在言也而

卷上

一

疏

亦足亂政分綜有各重之形獨制有歸一之路陛下亦念及此耶昔人曰不見其形願察其影今時事之孔棘人言之可畏<sub>臣</sub>欲臚列而不詳欲深言而不敢<sub>臣</sub>固畧言之<sub>臣</sub>觀有家者隴畝不治藏獲袖手而旁睨處分不明姑婦勃谿而鬪齒此不可爲家其大於家者可知也今之當局而幹者陛下之家政也露章以請者皆陛下噴室之言也<sub>臣</sub>不知其所謂政者何如第見悠悠泛泛無振舉之精神亦不知其所謂言者何如第見如蜩如螗有虛憍之意氣觀朝而九列

孤睽庶司彫曠千孔開張渾漏天之難補百呼莫應若濃寐之不醒重之哀鴻在野阨子假以含息脫巾在邊癰人待其潰決卽極力匡襄恐時艱之未頓起也陛下得無有懼心焉乃哆口而譚者又可異矣一事也辰酉換其興除一人也由躋參其毀譽觴則角之忽挾筆下之風霜合則怨之俄灑舌端之雨露越楚懸於肺肝戈矛起於同室國是不明莫此爲甚陛下得無有厭心焉<sub>臣</sub>愚以爲頽隳是委罪在官守而上或以廢閣啓其端支誕之失罪在言責而上或以留中張其焰今之大計亦曰脩實政息煩言而已夫以政脩政終日之補苴幾何然精明振厲皇上昔年亦試行之無今日痿痺之景象也誠思紀綱何以委頓中外何以壅閼服官者何以蓄縮持後奉令者何以汗漫寡成舉令甲之舊毅然釐飭不啻駘銜更駕之馬而予之以極轡將天下之瞶者開明什者起立則濟時艱之上務矣夫以言止言衆喙之梟張實甚然謨謀靜謐皇上昔年亦試享之無今日凌誅之風習也誠使額天無隔閡之苦投匭無不報之瞶勿論

遺集定本

卷上

二

疏



門戶中門戶外而第衡其理勿論獨爲矧身爲矧了  
第核其情舉度閣之塵豁然蕩滌不啻驚風震浪之  
舟而導之於安流將天下之囂者歛頰謾者帖心則  
定國是之要術矣究而言之陛下惟不脩實政耳誠  
脩之則行乾之精意束人於政中重異之明威攝人  
於言外政實而言者自不得虛政簡而言者自不得  
煩畫一之法立游譚聚議之徒息陛下何不一轉念  
而爲此屑越也臣愚不勝惓惓惟垂神省覽焉天下  
幸甚

遺集定本

卷上

三

疏

擬進文華寶鑑表

命申元鼎發琬琰於瑤山照繼重離擷菁英於瓊笈  
欣逢作述之會叨陪編次之榮知燕翼之謀長瞻龍  
樓而衷惕臣某誠惶誠恐稽首頓首竊惟天下有大  
器恒筦挈乎元良致治多成模絜昭垂於圖史風愆  
典則夏道敬承緝熙光明周王肆靖故居學正業志  
不懈於乾乾而秋實春華功每收乎旦旦然前言往  
事誰非蓄德之資乃淡見甘聞無取沃心之益帝範  
之連篇篋矣承華之要畧無聞未有括言行之大成  
風傳紫闥搜經術之格論星炳青宮如今日者也欽  
惟皇帝陛下德冒玄濛功儀蒼瀨用創爲守冀北雲  
蒸驟帝馳王中原霧汎謂太子者天下之根本善作  
期於善成言行者君子之樞機前事可師後事矧皇  
考有大訓予一人勿敢或忘而作者有明徵二三臣  
其體朕志用繙往牒載煥新猷蓄潤乾潛乃流仁於  
不匱磨礪震器庶主鬯之無瑕顧臣樸樸之材謬當  
編摩之任文華清切懼去取之迷方寶鑑精瑩慙妍  
媿之濫入校讐力盡未敢襲謬於金根披闕魂播妄

遺集定本

卷上

四

表



與增輝於銀榜戴九重之嘉命鳳鸞龍蟠集衆善之  
兼長狐腋鷄跖咸陽寶鏡忽炳煜於晨光赤水玄珠  
乍勃騰于夜浪此皆一人之寵豈曰臣力之能然蔡  
藿之誠傾心南陸而芙蓉之水函奉北園所以祇竭  
鴻私仰禪鶴禁者也伏願陶鎔天地之鑪鼓鑄帝王  
之範蚤教諭慎左右維萬世之治安行正事聞正言  
厯三餘之匪勉將東明之日扶桑浴而愈光繁少海  
之源渤澥澄而益潤臣等無任 云

續集定本

卷上

五

表

聖人與天地合其德論

論曰天下無遞轉而下之法象有仰參而上之神理  
惟聖人之心不自用常與天地通於是天地之德不  
自闕還爲聖人合何也天地一心也聖人一人也人  
同得天地之心則亦同具聖人之人獨此靈靈炯炯  
一脈際天蟠地而無所天闕衆人以離跂之心捐其  
最初之心內且營之外且韃之積臆而翳生焉積闇  
而光揜焉天地日以其精牖人而人不受人亦以其  
識乘天地而天地不受遂使穹然隤然者若距我以  
形窈窕冥冥者若閉我以精人與天地隔而愈岐畸  
而更遠天地之德自合而人自分矣不知人之生天  
地生之也氣之與理真之與精何嘗發秘而令人不  
可控揣聖人亦卽其無容發秘者妙以合之而方寸  
宛然具造化焉故曰聖人與天地合其德也夫天地  
陰陽剛柔耳彼二曜之九轉四序之轂運萬治稟形  
萬竅肖聲以爲足以盡天地之德乎未也陽之不能  
爲陰剛之不能爲柔也人所知也而陽之未始不能  
陰剛之未始不能柔也非人所知也獨其細縷磅礅

續集定本

卷上

六

論



之始藏塤黷塊圯之元有陰陽不得無以得其  
柔不得無以鑄其形而理陰陽調劑柔者不得無以  
神其變化是則所謂德也聖人者靈心之微朕可以  
無所不參解大力之仔肩可以無所不幹運而圓神  
之通決可以無所不周折而中理嘗試言之何思何  
慮返於玄同不識不知順乎帝則太極一圈也闢而  
動直侔於重玄翕而靜專滲於黃墟兩儀具體也舒  
慘斟其衡而物無私寒暑發藏調於度而物無偏晦  
明六子嬾化也優而游之俾其自求順而宜之俾其  
遺集定本

卷上

七

論

自得悠久之無疆元命之不已也至若雲蒸雨濯宇  
下昭蘇聖人之澤孰非天地之仁藏疾包荒萬流并  
舉聖人之度孰非天地之大雷動風肅庶品鼓盪聖  
人之權孰非天地之斷是不特與天地參直與天地  
合不特與天地並其功直與天地合其德其合也摹  
倣之所不能到而神印於杪忽之間附離所不能襲  
而締結於形埒之外聖人同此德曾何分於天地聖  
人卽天地又烏睹其合天地也聖人也一而已矣子  
思不云乎小德川流大德敦化夫流不如川則沃衍

之脉膏化不敦厚則停泓之源薄天地之心時露於  
衆人第不能濬之如川敦之使厚耳苟認取而克擴  
之火然泉達之勢卽爲蓋天容地之規而盡性至命  
之時無加元來自具之體孰謂聖人爲絕德哉

遺集定本

卷上

八

論



大人正已而物正論

物我者其各正之原乎大人者其衆正之摠乎人惟不知物之本正也而始多一正之之術又不知大人之因衆正也乃始翹然一切以與天下角鞭捶煩而馬窮網罟多而魚亂此非物之罪也夫物之欲正誰不如已我卽多方正之終不肖其欲正之心故痛癢者以人搔之則不適也此無他隔於膜也况已與物均受正於天者也已于物中僅處一焉已一而物萬則已之權輕物之權重而欲一以理芟輕以馭重無

遺集定本

卷上

九

論

之至也何者天下惟自正之體已之所不能爲不正之名物之所不欲受大人者虛漠恬澹之倪原自守也然而不墮也道德名義之迹非盡屏也然而不恃也冥而含之龍之休於蟄蛰之藏于蛻已無思也物亦無思也已無爲也物亦無爲也操軸最微而再撫最遠吸脉最細而普汜最神我不矯其偏而物已全矣我不酌其寡而物已多矣我不予之害而物已利矣當其時不知孰爲已孰爲物第撿絮于正亦不知孰爲正孰爲正之者適還其物與已譬三垣九野各歸其分而辰極自定四時百物各安其常而天道不言故曰大人與天地合其德又曰大人者其動也天行其時也物化如是而已矣彼才臣之所營智士之所濟與天下戰爭于才智之中偈偈焉而未有定趣歸於物而不適其和乃結轡于已而不得其性者也然大人之付物以已庸人之觴物亦以已於太虛中謬執一念以爲已又於萬物中偶睨一情以爲物於是物之不正乃彌甚則正已者其以克已之學

遺集定本

卷上

十

論

正此其境界可知而不可言可思而不可議則神化

云



反絕交論

昔朱公叔著絕交論蔡中郎正之以爲貞孤有羔羊之節劉孝標廣之以爲神睿探玄珠之契而范曄之論曰穆徒以友分少全因絕同志之求黨俠生敵而忘得朋之義近乎遽矣乃飛色於彈冠結綬之榮華腐心於荆卿豫子之感激是同適而稍遷其轍均情而故岐其貌則亦未能因其言一反之也夫君子不入鳥獸之羣則倫類皆爲吾與通人不標離索之行則聲氣皆爲吾契大易論功於出門毛詩歌德於伐

遺集定本

卷上

十一

論

嚴則恒以可絕者自絕恐友之有以窺我者則以不

可絕者付友恐我之無以受人故以道相成而傾蓋可以結驩班荆可以晤語以氣相呼而千里可以命駕三山可以披衿以直相窺則割席分坐不爲許解裳自隔不爲慙以神相許則夢寐追尋不爲愚杵曰定交不爲鄙以死相盟則護疾拒賊乃所以捐吾軀違君率友乃所以成吾志也如是則春不增華秋不改葉嚶鳴互荅以成聲填篋于喁而合調風雨聚結五常賴以不毀金蘭編次萬民借以作型蔽過竊譽之風清犯禮背公之習斷矣故以爲川瀆並決不知其麗澤相資也以爲游獵踐稼而不知其鴈行相比也山鵬見謂得無詆訶之傷情鳳德自詫得無矜詡之失實乎卽就穆立身始終評之典兵於梁冀之門則其於交不惟不能絕也抑且不能擇故威畧可以解令長之印綬而難以寢奸雄跋扈之謀嚴明可以動太學之校作而難以回闕寺含握之勢正言不諱憤懣以死絕交之謂何乃始以親任卒以乖迕耶抑穆又未可盡詆也愚嘗讀其崇厚之論廣博敦龐有

遺集定本

卷上

十二

論



深思焉故君子得絕交之心則礪身不患其不峻得  
崇厚之心則與人不患其不廣然能崇厚矣交又何  
必絕乎卽以此反之可也

遺集定本

卷上

十三

論

公論國之元氣論

聞之善爲國者必闢其上下開通之路然後人心服  
而天下治何也一人之呼吸天下人之呼吸也上之  
權不攝於下則爲滌散下之意不收於上則爲天閼  
闕與散乘而上與下在於是從呼吸開通之處自造  
一結轡之象一世之人心國是脊亂而不可止國乃  
因以大壞獨不思下之賴有上者爲其宣吾鬱而達  
吾愉也愉莫真於衆之所共嚮鬱莫大於心之所欲  
言吾不奪其翳而曲暢其言彼衆心寧有不得其理  
者故曰公論國之元氣也夫盈天地皆氣也野馬網  
組塵隙決驟是爲游氣魂魄浮越精神麗雜是爲煩  
氣寒暑乖錯陰陽愆滯是爲沴氣獨有所謂元氣者  
橐於天地未立之先滲于萬物芸生之後布濩磅礴  
不可端倪游者得之而變煩者得之而精沴者得之  
而和然後清寧之化莫於兩間其在人之一身亦然  
人之所爲心能思耳目能聰明手足能持行者元氣  
通也腠理不到結爲癥瘕支節不貫廢爲痿痺若是  
乎元氣之所係重也乃公論之於國何以異是人雖

遺集定本

卷上